



DKAIA promosi keamanan negara

Oleh **MOHD. SAIFUL MOHD. SAHAK**
kampus@utusan.com.my

PERTANDINGAN Debat Keamanan Ala Presiden Antara Institusi Pengajian Asean 2012 (DKAIA 2012) bakal di diadakan di ibu negara sebagai langkah menyahut seruan kerajaan dalam memelihara keamanan sejagat.

Pertandingan ini yang akan berlangsung pada 4 Februari hingga 5 Februari depan di Universiti Pertahanan Nasional Malaysia (UPNM) itu antara wadah kepimpinan tinggi mahasiswa yang cintakan negara melalui pengucapan awam dan pidato.

ia juga antara hasrat Kementerian Pengajian Tinggi (KPT) dalam



MUHAMMAD IKHWAN ZULKIFLI

melahirkan mahasiswa yang mengikuti perkembangan, pembangunan serta memelihara keamanan di Malaysia, negara serantau Asia dan dunia

Pengarah Program DKAIA 2012, Pegawai Kadet Laut Muhammad Ikhwan Zulkifli berkata, program itu bertepatan dengan hasrat kepimpinan negara dalam memupuk kesedaran di kalangan mahasiswa di negara ini dalam usaha menjaga keamanan dan kedaulatan negara.

"Program DKAIA 2012, bakal mencetuskan fenomena kepada warga mahasiswa melalui pertandingan debat keamanan dalam mempertahankan negara daripada cubaan atau usaha pihak-pihak tertentu yang cuba melakukan kerosakan di negara ini," katanya ketika ditemui di Kuala Lumpur baru-baru ini.

Muhammad Ikhwan berkata, persatuan Debat UPNM telah bertungkus-lumus membuat persediaan bagi merealisasikan DKAIA 2012 dalam mengubah landskap transformasi mahasiswa baru antara pendebat-pendebat Malaysia dan ASEAN.

Dalam pada itu, Muhammad Ikhwan berkata, pertandingan debat di Malaysia hanya dipertandingkan dengan tiga struktur iaitu debat ala Parlimen, debat konvensional dan debat secara Parlimen Britain.

Katanya, berbeza dengan struktur



PARA pendebat dari Universiti Pertahanan Nasional Malaysia (UPNM) menjalani latihan pada Bengkel Kehakiman Debat Keamanan Antara IPT ASEAN 2012 baru-baru ini.



PARA peserta juri yang menghadiri Bengkel Kehakiman Debat Keamanan Antara IPT ASEAN 2012 di Kuala Lumpur baru-baru ini.

debat yang lain, debat DKAIA 2012 melibatkan dua orang pendebat. Seorang sebagai pencadang dan seorang lagi merangkap sebagai pembangkang.

Pertandingan yang menggunakan sistem kumpulan ini akan diadili hakim yang telah mendapat pengiktirafan melalui penyertaan Bengkel Kehakiman Debat Keamanan Antara IPT ASEAN 2012 yang telah berlangsung pada 24 Disember lalu di Dewan Bestari UPNM.

Pihak pengadilan bersetuju bagi

mengenakan syarat-syarat tertentu bagi menyertai pertandingan ini seperti had umur pendebat yang tidak melebihi 22 tahun serta penyertaan dihadkan kepada 48 pasukan.

Selain itu, setiap institusi pengajian awam dibenarkan untuk menghantar dua pasukan. Peserta pendebat wajib mematuhi setiap peraturan yang telah ditetapkan atau tersingkir daripada pertandingan jika didapati melanggar mana-mana peraturan dan syarat.